

古籍

佚書拾存

陸

北京圖書館出版社

宋趙一抃知字或號執事人
為尋常通志字跡行不分三教
胡鑑刊後其人鑒觀一不遺事
以書以快俗觀行三教其刊誤
錄以見其自是亦教典錄不
亦以說字說說從後者十年而
纂明進世州所見生事錄也



殷夢霞 王冠 選編

古籍佚書拾存

陸

北京圖書館出版社

佚存叢書（五）

（日）林衡輯

清光緒八年泥上黃氏木活字排印本

崔舍人玉堂類稿卷十八至卷末附西垣類稿
周易新講義 卷首至卷八

崔舍人玉堂類藁卷第十八

致語口號

樂未曲附

金國使人到闕紫宸殿宴參軍色致語口號勾

合曲詞

致語

琬圭修聘方申締於歡盟雕俎均恩爰肆陳於慈燕
肅簪紳而拱極儼旒冕以當天洪施豐融輿情樂愷
恭惟 皇帝陛下建中布度執競凝圖英略淵通昭
徹天人之表深仁溥博際蟠宇宙之間旁開衆正之
門廣闢太平之路念寶鄰之永好嘉虜使之多儀置

帳于神麗之庭下輦于明光之殿風回鳳蓋密瞻煩
渥之容日度鰲峯屢轉華旗之影寫清音於調露汎
嘉氣於流霞君臣歡康中外寧壹臣叨居法部幸際
熙辰上奉宸顏敢進口號

口號

春風黃繖下清廂纓弁蟬聯宴未央萬國文明周禮
樂九重端穆舜衣裳雲低殿幄星辰近漏轉宮花日
月長聖主寬仁盟好永和聲細入鹿鳴章

勾合曲

曉日周原念使駢之勤勸春風漢殿開燕席之從容

筍簾畢陳笙鏞間奏式遂莘魚之樂聿來祥鳳之儀
上悅宸顏教坊合曲

金國賀正旦使人到闕紫宸殿宴致語口號勾
合曲詞

致語

周曆誕頒適履端於令旦漢儀高會爰示惠於羣臣
清光粹溫協氣充塞恭惟 皇帝陛下體元御極贊
化宜民當三陽開祚之辰展萬壽稱觴之禮臣等恭
陳口號仰奉宸歡

口號

九重帳殿敞層空清曉羣臣宴鎬宮神護翠華居北
極春隨黃傘下東風觴行隱隱紅雲裏仗轉曠曠瑞
日中看取乾坤俱壽域兩朝時節聘車通

勾合曲

和樂在陳嘉觴當御日度層峯之影風回廣殿之春
上悅天顏教坊合曲

金國賀會慶聖節使人到闕集英殿宴致語口
號勾合曲詞

致語

冬權肇始陽月就盈當真人誕育之辰正寶曆明昌

之運 皇帝陛下樂同萬國禮厚羣賢啟惠燕於端
宸流恩光於廣坐君臣相悅福祿無疆臣等上奉天
顏敢進口號

口號

良月欣臨震夙辰恩涵雨露燕羣臣遙連漢岳三呼
應徐聽虞韶九奏滄仙篆縈風浮廣殿卿雲擎日護
嚴宸奉觴更喜嘉賓會同祝 吾皇萬壽春

勾合曲

丹宸天臨華簪雲會既洽莘魚之樂宜觀韶鳳之儀
上悅宸顏教坊合曲

三才集卷之三
金國賀正旦使人到闕集英殿宴致語口號勾

合曲詞

致語

斗轉璿穹序正夏時之統星環寶座儀陳漢殿之圖
嘉生阜繁協氣充塞恭惟 皇帝陛下聰明天錫剛
健時行對昌會之亨通同羣情之燕樂臣等輒收輿
誦盡入歡謠

口號

殿頭清蹕起晴雷萬歲聲中扇影開曉日青旗明絳
闕春風黃傘傍瑤臺卿雲湧瑞扶天座仙露流甘入

御盃要識八荒俱壽域年年常看使星來

勾合曲

華幕張庭翠裘臨座旣洽嘉賓之樂宜聞治世之音
上悅天顏教坊合曲

會慶聖節使人到闕集英殿宴致語口號勾合
曲詞

致語

冬律乘乾皇圖開泰千載慶生商之旦四方同戴舜
之心撫運隆昌對時康乂轉丹輿於廣殿張翠幄於
彤庭雨露涵濡風雲際會臣等輒陳歡誦仰奉威顏

口號

雲護輕霜漏曉晴日高黃傘影亭亭六龍衛蹕來臨
座五鳳儀韶下舞庭地湧南山朝帝殿天回北斗挹
仙醺侍臣近識宸顏喜時顧皇皇二使星

勾合曲

景轉縉峯香浮黼座既上萬年之壽當條九奏之音

致語

周官頒曆正月之吉始和漢殿登圖諸福之物畢至
恭惟 皇帝陛下剛明獨運慈儉安行應乾坤交泰
之辰合君臣相悅之樂鸞觴當御鷺羽分庭臣等敢

酌民言用成口號

口號

四時和氣轉洪鈞昨夜璿杓正指寅萬玉鳴班朝廣
殿五雲扶輦下端宸翠旄低引仙韶度寶輿徐傳御
醴醕看取年年來信使定知天地一家春

勾合曲

日轉鰲峯雲低鳳蓋流人間之歡詠入天上之和聲
金國賀會慶節使人到闕集英殿宴致語口號

勾合曲詞

致語

天開景命璿樞應千載之符時協昌辰玉殿獻萬年
之壽恭惟 皇帝陛下神謀高運仁德安行受福無
疆垂虞裳而臨正立與民同樂開鎬燕而集羣臣流
仙露以溶津結卿雲而駐采臣等敢緣嘉會輒貢蕪
詞

口號

盛節簪紳宴玉京紅雲深護赭袍明寶花合座天香
滿仙羽分陳御筍行原隰有光交信睦廟堂無事樂
和平歡心協氣知多少盡在今朝九奏聲

勾合曲

萬歲稱觴已祝聖人之壽九成合奏宜揚治世之音
金國賀正旦使人到闕紫宸殿宴致語口號勾

合曲詞

致語

臣聞帝執規而布治萬物俱榮王在鎬以示慈羣情
胥樂乾剛高運豐照端中撫邦家晏粲之辰應天地
亨嘉之會彤庭合弁迎羲馭之舒長寶座傳觴況衢
尊之多旨臣等欣逢令旦冒貢蕪詞

口號

東風初滿殿前旗環珮春容侍燕時帝澤普涵春自

暖人心同樂日先遲三峯影裏瞻黿動九奏聲中看
鳳儀更喜使華齊獻壽八方何地不熙熙

勾合曲

仙羽分庭宮花覆座旣洽惠慈之樂宜揚皞繹之音
金國賀正旦使人到闕紫宸殿宴致語口號勾
合曲詞

致語

臣聞玉始書正集嘉祥於華旦萬年稱壽望晬表於
中天惠燕雲需歡聲雷動恭惟皇帝陛下聖神廣
運慈儉安行政布青陽對三朝之亨會恩垂湛露流

四海之深仁臣等仰悅宸顏俯陳口號

口號

仗轉瞳瞳曉色瞰千官齊望赭袍尊食苹鳴鹿迷天
樂泳藻游魚沐聖恩香泛流霞涵雨露春隨和奏滿
乾坤使華同上南山壽近識宸顏一倍溫

勾合曲

玉醴飛觴金壺緩箭宜合虞韶之奏更均鎬燕之歡
六州

商秋吉嘉會協中辛涓路寢修禋祀聖德昭清端志
慮罄竭齋精錦繡排天仗羽衛繽紛朝太室返中宸

被袞接神明時平天地俱清晏兼豐年和氣品物達
芳馨瞻煥座春容娛燕三靈奠瑤爵薦量幣清思助
冥冥望昆侖嘉祥塞網緼誠殫禮洽慶休成潤澤被
生民端門肆青旂庭稱賀俱將景福萬壽祝雙親

十二時

勛華竝天胙昌期聖德茂重離英明經遠濬哲昭微
寶儉更深慈觀萬國累洽重熙對明時報禮秩神祇
玉帛奏華夷雍肅顯相百辟各欽祇奄嘉虞英壁奠
華滋神安坐景氣澄虛極光燄燭長麗展詩應律萬
舞逶遲三獻洽皇儀垂靈寢慶祐來宜禮無違鳴鑾